


exemplum supra ex libr. confess. al-
legatum, albo calculo notandum.
Tantorum virorum authoritates,
cum prædictis rationibus conjun-
ctæ, scutum obvertant & obterant,
omnium aliorum Astrologorum,
objecta frivola & experientiæ repu-
gnantia.

Liceat mihi cramben recoctam
apponere. Ego firmiter credo con-
jecturis haud frivolis fretus, omnia
præfagia de futuris contingentibus,
neutiquam prodire à certâ syderum
copulâ, cum nihil agat supra vires
suæ speciei & talis facultas illis à S.
D. haud insita: Sed cum Ægyptii &
Chaldæi, olim superstitioni & arti-
bus Magicis, quibus ipsa etiam A-
strologia merito est accensenda, fue-
rint addicti, si quid veri prædictum,
ope dæmonum revelatum. Cum
duplex cum illis pactum constituen-
dum, implicitum, vel expressum. Ita
duplicis sortis Astrologi comperiun-
tur, alii manifestum habentes cum
dæmone commercium: & hujus re-

velatione futura cognoscetes, ea
ex astris se cognovisse, comminif-
cuntur, quò ipsorum impietas late-
ret in tenebris. Alii Astrologi, etsi
alias pietatis studiosi, sed veterum
observationibus freti posteritati re-
lictis, exin suas prædictiones depro-
munt, putantes, illa vaticinia profi-
cisci à scientiâ sydereâ naturali, se-
iplos decipiunt ac fallunt, dum præ-
ceptis illis nitentes, themata natali-
tia erigunt, opere ipso demonstrant,
ea procedere ex pacto implicito, oc-
cultâ dæmonis inspiratione, vel po-
tius, si definito die præfagia contingant,
ipso authore ac impulsore, ne
mendax comperiat, Deo conni-
vente ac permittente, ad puniendos
tam curiosos & temerarios Fati sui
avidos: indubium, quin in prædicta
mala haud incidissent, si vates non
consultuissent. Si prænarrata exem-
pla justo ponderanda judicio, rem
ita se habere, impartialis censor faci-
lè depræhendet (intellectam velim
judiciariam seu vaticinam.)

EPISTOLA XX.

*Taxatio supina quorundam Pharmacopæiorum negligentia
& crasse ignorantia, quàm ea sit detrimetosa.*

Uam periculosum & dam-
nosum sit Tyronibus Phar-
macopæis Medicorum re-
cepta dispensanda com-
mittere, memorabili exemplo libet
monstrare. Cum ante complures

annos, quidam J. U. Doctor Stut-
gardii, in itatu sanitatis, nulli morbo
obnoxius, sed præservandi tantum
causâ, à Medico expeteret evacua-
tionem corporis, ante venæsectio-
nem ordinandam, is præscripsit apo-
zema

zema solutivum, inter cætera ingredientia erant designatæ radices apii, illud paratum & oblatum. Sed quid contigit? O Fatum infaustum! Miser ille legum peritus, intra paucas horas, ab hausto medicamento, ronchillare cepit & expiravit. Magna trepidatio & lamentatio inter domesticos, tum Medicus accersitus conspiciens ægrum in agone constitutum, obstupescit, gnarus se innocentem, nihil noxii à se ordinatum, & tamen animadvertit toxicum oblatum: in re ancipiti consilium capiens subitaneum, officinam ingreditur, percontando, à quo scheda dispensata & parata, cognito, à Novitio omnia peracta, jussit denuò se præsentem, illam dispensare: Tyro quasi re benè gestâ, cum in summitate recepti extaret, recipe radicium apii, legit & substituit opium. Exin grandis ille & funestus error deprehensus, cum unica litera, ipsi ægro fuerit letifera. Quidam Tyro nostratis pharmacopoli, dispensans sacculum pro vino medicato, cum in recepto consignatum, recipe radicium Enulæ, ille legit & accepit radices Esulæ, sed bono Fato, alius Minister intervenit, errorem observans, Esulâ dimotâ, Enulam substituit. Sed fortassis æquiori animo ferendum, si tanta imperitia in Novitiis tantum hæteret, quàm dolendum & cum damno experiendum, haud minorem inscitiam non raro

hospitari in provectioris ætatis Ministris, & ipsorum etiam Heris sapius valdè indiscretis, prout ex sequentibus patebit notatu dignis exemplis.

Cum ego cuidam fæminæ febris continuâ laboranti ordinassem syrupum refrigerantem & ceu suavissimū laudassem, & Syr. acyd. citri, de succo cerasorū acidorum domesticorū, añ. ʒiſs. M. Eo primâ vice degustato, ob saporem valdè inamicū averſata, mihi significari jussit exprobrando, quod tam ingratum & adversarium medicamentum præscribere non verecundatus. Ista querela mihi erat admirationi, etiam gnarus, culpam in me non hætere, sed in pharmacopæo erroneo, receptum haud dextrè dispensante, consistere, sum arbitratus, exin in officinam ingressus, percontari cepi, cujus ductu scheda illa præparata, cum Herus ipse fallus, à se concinnatum medicamentum id haud jucundum esse posse, cum à me consignatus syrupus domesticus, qui ob amarorem Naturæ adversus: cui me opponens regeſſi, à me præscriptum syrupum cerasorum domesticorum acidorum alterantem suavissimum, ipse autem substituerit syrupum de spinâ cervinâ purgantem, qui vulgò syrupus domesticus etiam vocari solitus, deceptus *ovianpūq* vocabuli domestici. Errorem ad oculum ostendi, paulò exactiùs desiderans judicium, tali

collatione instituta. Cum à me consignatum, recipe syrupi aciditatis citri, ceraforum domesticorum acidorum, añ. ζ ib. M. Exin facillè colligendum, per domesticum non intelligendum syrupum de spinâ cervinâ, sed ceraforum domesticorum, cum syrupus refrigerans cum aquâ, pro potu, miscendus, à me ordinatus, ad interaneorum viscerum æstum contemperandum. Errorem exin etiam patulum, cum à me ita scriptum, recipe syrupi aciditatis citri, è succo ceraforum domesticorum acidorum añ. ζ ib. M. conjunctim non divisim. Si ita à me signatum, recipe syr. acid. citri ζ ij. syr. domestici ζ ib. M. Et si pro isto accepisset syrupum de spinâ cervinâ, aliquo modo fore excusandum, quamvis & hoc absolum, syrupum de spinâ miscere cum syrupo acido citri. Cum ipse rem perperam intellexerit, & in ambiguo, meritò per Ministros fuisset inquirendum, de dextro sensu. Sed pudet ac tædet illos rerum pharmaceuticarum scientiâ tumidos, suam ignorantiam aliquantisper prodere, non habito respectu estimationis Medicorum, nec salutis ægrorum.

2. Cum ego in aliâ officinâ cuidam Virgini feбри ardente decumbenti, & jam prunellâ infestata, præscripsissem gargarisimum, inter cætera ingredientia, erant consignati trochisci de Nitro cum sulphure

præparati, & observarem gargarisimum colore admodum citrino infectum, obortâ in animo meo haud levi admiratione, in Myropolio inquisitio instituta, à quo ille præparatus, compertum à Ministro jam adultiore & peritiâ præferente, concinnatum, cum in schedulâ extraret, recipe trochiscorum de Nitro cum Sulphure præparatorum, ipsum accepisse trochiscos de Nitro per se factos, sat copiosâ sulphuris citrii pulverisati portione, ipsi liquori in vitro existenti, inspersâ. O crassam ignorantiam! Tantum absurdum, vix per insomnium mihi obvenisset.

3. Cum cuidam Monacho in cœnobio Wiblingensi, in affectu externo ordinatum Emplastrum Vigonis de Ranis cum Mercurio præparatum, Minister nescius id duplici modo concinnatum, cum & sine Mercurio, in officinis prostare, cum legisset, recipe Emplastri de Ranis cum Mercurio, absque ulteriori pensitatione, accepit Emplastrum de Ranis tum obvium, putans, non aliud extare, quàm sine Mercurio præparatum, ideoque illi commiscens copiosum pulverem Mercurii sublimati, tradidit. Cum id claustrali admotum, insignis in eure inflammationis & erosio clausata, cum haud levi vitæ discrimine. O rudes Myropolas, & Medicis & ægrotis verendos, & ad Garamantas usque, vel extremos Indos, transmittendos.

EPI-